

führung der Chryseis, um es fester in der Menisdichtung zu verankern. Ebenso geschickt wird mit dem Schluss der Götterszene zum Traum des Agamemnon übergeleitet. Wie die Eindichtung vom Mauerbau und von der zweiten Schlacht mit dem siebenten Buche verbunden ist, haben wir soeben gesehen. Mit der gleichen Geschicklichkeit sind Waffentausch und Hoplopoiie in die alte Dichtung eingeflochten. Die Anknüpfung des 24. Buches an die Bestattungsschilderung des 23. war einfach und selbstverständlich; die Schilderung der Kampfspiele wurde erst später eingeschoben. Der Zusatz von den Kampfspielen hat gleich anderen Zutaten keine Bedeutung für die Berechnung der Tage. Solche Zutaten sind die Stellen von Sarpedon und Glaukos in den Büchern V, VI, XII, XVI, also *E* 471—511, 627—698, *Z* 119—236, *M* 290—429, *Π* 419—683, der Zweikampf Aineiias—Achill *Υ* 176—352 und der Schiffskatalog *B* 484—*Γ* 14. Manche dieser Stellen lassen sich glatt oder mit geringen Änderungen herausheben; so beginnen die Kampfspiele *Ψ* 217 mit ἀντὰρ Ἀχιλλεύς, womit Ω 3 die Erzählung weitergeht; *E* 512 ist nur ἀντὸς für Φοῖβος gesetzt.

Berlin-Friedenau.

H. Draheim.

Isocola puerilia.

De figura, quae isocolon appellatur, optime agitur in rhetorica ad Her. IV 20, 27 p. 136, 16 edit. 1923 his verbis: 'Compar appellatur, quod habet in se membra orationis, de quibus ante (19, 26 p. 135, 1) diximus, quae constant ex pari fere numero syllabarum. Hoc non denominatione nostra fiet — nam id quidem puerile est — sed tantum adferet usus et exercitatio facultatis, ut animi quodam sensu par membrum superiori referre possimus, hoc modo:

In proelio mortem parens obpetebat, (*sunt XII syllabae*)
domi filius nuptias comparabat (*sunt XII syllabae*).'

Etiamsi scripsit constare membra ex pari fere numero syllabarum, tamen congruit numerus in hoc exemplo, quod bene traditum est in libris, ita ut aegre credas sine denominatione hoc exemplum a magistro excogitatum esse: neque hiatus casu in his verbis evitatus est. Simile isocolon ex Isocrate adscriptum in commentario Lucilii p. 79 extr., cuius membra constant ex syllabis XIV. Quae secuntur exempla, non satis accurate consensu codicum sunt stabilita. Sed in eis quae secuntur praeceptis scite praecipitur hoc modo: 'In hoc genere saepe fieri potest, ut non plane par numerus sit syllabarum et tamen esse videatur, si una aut etiam altera syllaba est alterum brevius, aut si, cum in altero plures sunt, in altero longior aut longiores, plenior aut pleniores syllabae erunt,

ut longitudo aut plenitudo harum multitudinem alterius adsequatur et exaequet.' Qua in disputatione *plenus* vocabulum quid significet, expositum est in prolegomenis editionis 1894 p. 97, in commentario Lucilii p. 134. Magnopere vero haec doctrina ab eis discrepat, quae apud scholiastam Veneti A ad Hom. *H* 93 (R.G. VIII p. 663 W. III p. 155 Sp.) traduntur: *ισόκωλον* *διερε* *ἔστι* *φράσις* *δύο* *ἢ* *πλειόνων* *κόλων* *ἀπληκτιβωμένων* *ἀλλήλοις* *πρὸς* *ἀντιτροφῶν* *ἐμφέρειαν*.

Usu igitur et exercitatione, quibus verbis Graeca *τριβή* et *γυμνασία* vel *ἄσκησις* reddita sunt Latine, membrorum aequitatem effici edocet rhetor, non puerili digitorum computatione: ridebant enim Isocratem sollicitate in calculo aestuantem et metuentem *συλλαβῆ* *τὸ* *ισόκωλον* *ἐνδεῆς* *ἐξενεγκεῖν* (Plut. de glor. Athen. 8 p. 350 E.). Eodem modo risit Lucianus historicos puerili et inepto stilo qui utantur ver. narrat. I 5:

Ὀρμηθεῖς γάρ ποτ[ε] ἀπὸ Ἡρακλείων σιγηλῶν (sunt XIII syllabae)
καὶ ἀφείς εἰς τὸν ἐσπέριον ὠκεανόν, (sunt XIII syllabae)
οὐρίφ ἀνέμφ τὸν πλοῦν ἐποιούμην. (sunt XII syllabae cum clausula).
Αἰτία δέ μοι τῆς ἀποδημίας καὶ ὑπόθεσις
ἢ τῆς διανοίας περιεργία (sunt XI syllabae)
καὶ πραγμάτων καινῶν ἐπιθυμία (sunt XI syllabae).

Nec aliter in sequentibus (6):

Τῆς ἐπιούσης δὲ ἅμα ἡλίφ ἀνίσχοντι (sunt XV syllabae)
ὅ τ[ε] ἀνεμος ἐπεδίδου (sunt VIII syllabae)
καὶ τὸ κύμα ἠξάνετο (sunt VIII syllabae)
καὶ ζόφος ἐπεγίνετο (sunt VIII syllabae)
καὶ οὐκέτι (ita F Nilenti: οὐκέτ' reliqui) οὐδὲ στεῖλαι (sunt VIII syllabae)
τὴν δόδονην δυνατὸν ἦν (sunt VIII syllabae).

Atque apud Afros illius saeculi similes denumerationes syllabarum in deliciis fuisse ex precatatione Psyches, quae est in Apulei metam. VI 2, intellegitur, in qua amplissima membra constant XVIII syllabis:

Per ego te frugiferam tuam dexteram istam deprecor
 (sunt XVIII syllabae) ...
 et per famulorum tuorum draconum pinnata curric[u]la
 (sunt XVIII syllabae) ...
 et currum rapacem (sunt VI syllabae)
 et terram tenacem (sunt VI syllabae)
 et inluminarum Proserpinae nuptiarum demeac[u]la (sunt XVIII syllabae)
 et luminosarum filiae inuentionum remeac[u]la (sunt XVIII syllabae)
 et cetera
 quae silentio tegit Eleusinis Atticae sacrarium (sunt XVIII syllabae)
 miserandae Psyches animae, supplicis tuae, subsiste (sunt XVII syllabae).

Extremum membrum in quo est clausula sicuti Lucianus l. s. s. una syllaba constituit breviorum.

Bonnae.

Fridericus Marx.